

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Broj: 01-011-1726/03.

Sarajevo, 1. decembra 2003.

Z A P I S N I K

25. sjednice Predstavničkog doma Parlamentarne skupštine Bosne i Hercegovine,
održane 1. decembra 2003. godine

Dvadesetpeti sjednica počela je u 13,20 sati. Prisustvovalo je 37 poslanika. Odsutni su bili Vinko Zorić, Mirsad Ćeman, Ibrahim Đedović, Nenad Mišić i Zoran Spasojević.

Sjednici je prisustvovao predsjedavajući Vijeća ministara Adnan Terzić, te članovi Stalnog vojnog komiteta Stjepan Pocrnja i Savo Sokanović.

Iz međunarodnih organizacija sjednici su prisustvovali: Marseli Fraser i Maja Ribar – OHR; James R. Locher, M.T.Johnson, Malik Tanović i Dragan Zovko – Komisija za reformu odbrane i Jelena Despot – EUPM. U ime Centra za promociju civilnog društva, prisustvovala je Jelena Despot.

Predsjedavajući Doma Nikola Špirić dao je uvodne napomene u vezi sa sazivanjem sjednice po hitnom postupku, u skladu s članom 47. stav 3. Poslovnika Doma. Ukratko je upoznao Dom i o sjednici Kolegija u proširenom satavu, koja je održana neposredno pred početak sjednice Doma, na kojoj je usaglašen prijedlog dnevnog reda od tri tačke, koji su poslanici dobili.

O Prijedlogu dnevnog reda nije bilo rasprave.

Predsjedavajući je konstatirao da 25. sjednica Doma ima sljedeći

D N E V N I R E D:

1. Izvještaj Komisije Kolegija o nastojanju za postizanje saglasnosti o Prijedlogu zakona o odbrani Bosne i Hercegovine,
2. Prijedlog zakona o izmjenama i dopunama Zakona o Vijeću ministara BiH (drugo čitanje) i
3. Prijedlog zakona o izmjenama i dopunama Zakona o ministarstvima i drugim organima uprave BiH (drugo čitanje).

Ad – 1: Izvještaj Komisije Kolegija o nastojanju za postizanje saglasnosti o
Prijedlogu zakona o odbrani Bosne i Hercegovine

Predsjedavajući Špirić podsjetio je poslanike da su dobili Izvještaj Komisije Kolegija o nastojanju za postizanje saglasnosti o Prijedlogu zakona o odbrani. Podsjetio

je također da su na prošloj sjednici usvojena dva amandmana Momčila Novakovića i da nije usvojen amandman Kluba poslanika SNSD-a kojim je traženo ukidanje regrutacije, zbog čega nije postignuta saglasnost u Kolegiju. Zatim je Prijedlog zakona o odbrani dao na glasanje u drugom krugu, u skladu s članom 65. stav 4. Poslovnika Doma.

Od 35 prisutnih poslanika, za Prijedlog zakona glasalo je 29, protiv 6. Glasajući po entitetima, iz Republike Srpske protiv je glasalo 6 poslanika, a iz Federacije BiH nije bilo glasova protiv.

Predsjedavajući Nikola Špirić konstatirao je da je Prijedlog zakona o odbrani usvojen.

Ad – 2: Prijedlog zakona o izmjenama i dopunama Zakona o Vijeću ministara BiH
(drugo čitanje)

U okviru ove tačke nije bilo rasprave.

Predstavnički dom usvojio je Zakon o izmjenama i dopunama Zakona o Vijeću ministara. Za Zakon glasalo je 30, protiv 4, uzdržala su se 2 poslanika. Po entitetima, iz Federacije BiH za su glasala 24, iz Republike Srpske 6 poslanika.

Ad – 3: Prijedlog zakona o izmjenama i dopunama Zakona o ministarstvima i drugim organima uprave BiH (drugo čitanje)

Momčilo Novaković, u kraćoj raspravi povodom ovog prijedloga zakona, rekao je da je imao amandman na Prijedlog zakona koji je, po njegovom uvjerenju, trebalo da ispravi grešku koju je Vijeće ministara napravilo predlažući u tri alineje člana 2. nadležnosti Ministarstva odbrane, gubeći pri tome iz vida da su te nadležnosti Zakonom o odbrani već date Predsjedništvu Bosne i Hercegovine. Imajući u vidu da je Dom naroda usvojio predloženi tekst, on će ići s prijedlogom za izmjene ovog zakona čim on stupi na snagu, rekao je, između ostalog, Momčilo Novaković.

Poslije ove rasprave, predsjedavajući je Prijedlog zakona dao na glasanje.

Za je glasao 31, protiv 5, uzdržao se 1 poslanik. Po entitetima, iz Republike Srpske za je glasalo 6, a iz Federacije BiH 24 poslanika.

Predsjedavajući Špirić konstatirao je da je usvojen Zakon o izmjenama i dopunama Zakona o ministarstvima i drugim organima uprave BiH.

Ovim je, u 13,45 sati, završena 25. sjednica.

Sastavni dio Zapisnika je transkript sjednice.

S E K R E T A R
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
dr. Nikola Špirić